

Pegasus ehf
Sóltúni 24
105 Reykjavík
einar@pegasus.is

Reykjavík 3. maí 2018
UST201804-075/G.G.
09.08.02

Efni: Akstur utan vega – Reynisfjara - kvikmyndataka

Umhverfisstofnun hefur móttengið umsókn Pegasus kvikmyndagerðar, dagsett 6. apríl 2018, um leyfi til aksturs utan vega, sem tengist kvikmyndagerð, í Reynisfjöru dagana 7. – 23. maí 2018.

Reynisfjara er ekki friðlýst en er á náttúruminjaskrá.

Heimilt er, ef nauðsyn krefur og með sérstöku leyfi Umhverfisstofnunar, að aka vélknúnum ökutækjum utan vega vegna starfa við viðhald skála og neyðarskýla og vegna kvikmyndagerðar, enda sé ekki unnt að vinna viðkomandi störf á annan hátt sbr. 2. mgr. 31. gr. laga um náttúruvernd nr. 60/2013.

Lýsing framkvæmdar:

Sótt er um leyfi til að aka utan vegar í Reynisfjöru til að aka búnaði vegna kvikmyndagerðar á tókustað en flytja þarf þungan búnað í mjúkum sandi frá bílaplani að helli og myndi sexhjól með kerru eða pallbíl virka best í það. Áætluð vegalengd er um 200 m og tekur verkefnið einn dag. Um 80 manns koma að verkefninu.

Áhrifamat:

Umhverfisstofnun metur, miðað við ofangreinda verkefnalýsingu, að framkvæmdin muni að öllum líkindum ekki valda röskun á svæðinu ef tryggt er að eingöngu verði ekið á sandi sem sjór flæðir yfir, allar leiðir skýrt afmarkaðar og ferðir takmarkaðar eins og kostur er. Framkvæmdin mun valda tímabundinni truflun á upplifun gesta á svæðinu þar sem mikill fjöldi ferðamanna er á svæðinu dag hvern.

Skilyrði

Umhverfisstofnun veitir fyrir sitt leyti leyfi fyrir akstri utan vegar í Reynisfjöru að uppfylltum eftirfarandi skilyrðum:

- Tilkynna skal landverði Umhverfisstofnunar á Suðurlandi hvenær undirbúningur fyrir verkefnið hefst og þegar því lýkur.
- Umhverfisstofnun skal tilkynnt um öll frávik við áður útgefna verkefnalýsingu.
- Verði breytingar á tímasetningu verkefnis skal það tilkynnt til Umhverfisstofnunar með að minnsta kosti 5 daga fyrirvara, sé þess kostur. Að öðru leyti eins fljótt og auðið er.
- Allur akstur utan vega, umfram þann er leyfi þetta nær til, er óheimill.

- Þar sem þarf að fara út fyrir vegi skal það tryggt að það valdi ekki gróðurskemmdum og raski ekki gróðurhólum í fjörunni. Afmarka þarf akstursleiðina vel þannig að hún fari ekki yfir gróður.
- Óheimilt er að skaða eða trufla dýralíf.
- Akstur í fjörum skal fara fram sem næst flæðarmáli til verndar þeim vistgerðum sem eru á svæðinu og til að ummerki eftir aksturinn afmáist sem fyrst.
- Umhverfisstofnun skal sendur gps ferill akstursins að verkefni loknu, sbr. 5. mgr 31. gr. náttúruverndarlaga nr. 60/2013.
- Settar verði upp merkingar á tókustöðum og/eða starfsmaður verkefnisins verði til staðar og upplýsi gesti vegna kvikmyndatökunar. Sérstaklega skal taka fram að leyfi Umhverfisstofnunar hafi fengist fyrir kvikmyndatöku og akstri utan vega.
- Sjáist í myndinni að bíl sé ekið utan vega skal þess getið í texta að slíkt sé óleyfilegt á Íslandi og að um undantekningu sé að ræða sem leyfi hafi fengist fyrir hjá Umhverfisstofnun.
- Gæta skal að mengunarvörnum farartækja og þess gætt að mengandi vökvi berist ekki í jarðveg og vatn.
- Takmarka skal þann tíma sem kvikmyndað er eins og kostur er með tilliti til upplifunar annarra gesta á svæðinu. Bent er á að fæstir ferðamenn eru snemma morguns eða að kvöldi til á ferðinni og þeir tímar því oft hentugir til kvikmyndatöku.
- Þess skal gætt að valda sem minnstu raski fjarlægja öll ummerki um athafnir að tókum loknum. Starfsmenn verkefnisins gangi snyrtilega um svæðin og þess gætt að allt rusl verði fjarlægt. Afmá skal öll ummerki verkefnisins á svæðunum að því loknu.
- Kynna skal fyrir starfsfólki þau skilyrði sem fylgja leyfinu áður en undirbúningur og vinna hefst.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.

Umhverfisstofnun bendir á að leyfi eins og hér er veitt geta virkað hvetjandi á aðra sem heimsækja fjöruna til að aka utan vega. Tökustaðurinn er fjölsóttur. Mjög mikilvægt er að það komi skýrt fram að svæðið sé lokað fyrir annarri umferð, aðeins sé verið að leyfa akstur um fjöruna af sértökum ástæðum.


Leyfisgjald


Umhverfisstofnun innheimtir gjald vegna vinnslu og afgreiðslu umsókna um leyfi á friðlýstum svæðum á grundvelli 2. mgr. 31. gr. laga nr. 60/2013 um náttúruvernd. Gerð verður grein fyrir kostnaði við afgreiðslu leyfa, vegna verkefnisins Kunlun, í sérstöku bréfi.

Eftirlit

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt,


Sigrún Ágústsdóttir
sviðsstjóri


Hákon Ásgeirsson
teymisstjóri